

Broj: 06-11-284/2025-R-10-14  
Sarajevo, 03.07.2025. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br.: 39/14, 59/22 i 50/24), a na prijedlog stalne Komisije za provođenje postupaka javne nabavke roba, usluga i radova, imenovana Rješenjem, broj: 08-30-253/2025 od 07.02.2025. godine, sekretar Vlade Federacije Bosne i Hercegovine, d o n o s i

**O D L U K U**  
**O IZBORU NAJPOVOLJNIJEG PONUĐAČA ZA JAVNU NABAVKU ROBA –**  
**NABAVKA KOMPJUTERSKE OPREME ZA POTREBE GENERALNOG SEKRETARIJATA**  
**VLADE FEDERACIJE BOSNE I HERCEGOVINE**

**I.**

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka kompjuterske opreme za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-284/2025-R-10-1, broj Obavještenja o nabavci sa portala javnih nabavki: 854-7-1-80-3-22/25 od 02.06.2025. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 34/25, kao prihvatljiva ponuda ocijenjena je ponuda ponuđača „**REBUS**“ d.o.o. **Sarajevo**, sa ukupnom cijenom ponude u iznosu **19.826,00 KM** bez PDV-a.

**II.**

Ponuda Ponuđača iz tačke I. ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama.

**III.**

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

**IV.**

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

## O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-284/2025-R-10 od 02.06.2025. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 19.900,00 KM bez PDV-a. Obavijest o nabavci poslana je na objavu 02.06.2025. godine, te je istog dana objavljena na portalu Javnih nabavki pod brojem: 854-7-1-80-3-22/25, a Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 34/25.

Tendersku dokumentaciju preuzeo je 31 (tridesetjedan) privredni subjekt, a 9 (devet) ponuđača dostavilo je ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: R&S d.o.o. Sarajevo, „INTER - COM“ d.o.o. Zenica, TIME CODE d.o.o. Sarajevo, „FIXIT d.o.o. Sarajevo, „IMTEC“ d.o.o. Sarajevo, „REBUS“ d.o.o. Sarajevo, ARTCO GROUP d.o.o. Sarajevo, „SYSTEM ONE“ d.o.o. Sarajevo i „KODEKS“ d.o.o. Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-253/2025 od 07.02.2025. godine, izvršila je pregled i ocjenu ponuda, te konstatovala da je, od ukupno 9 (devet) dostavljenih ponuda, prihvatljiva 1 (jedna) i to ponuda ponuđača: „REBUS“ d.o.o. Sarajevo, dok je 8 (osam) neprihvatljivo i to ponude ponuđača: R&S d.o.o. Sarajevo, „INTER - COM“ d.o.o. Zenica, TIME CODE d.o.o. Sarajevo, „FIXIT d.o.o. Sarajevo, „IMTEC“ d.o.o. Sarajevo, ARTCO GROUP d.o.o. Sarajevo, „SYSTEM ONE“ d.o.o. Sarajevo i „KODEKS“ d.o.o. Sarajevo.

### Ponuda ponuđača R&S d.o.o. Sarajevo ocijenjena je neprihvatljivom iz sljedećeg razloga:

Procijenjena vrijednost javne nabavke iznosila je 19.900,00 KM bez PDV-a, a ponuđač „R&S“ d.o.o. Sarajevo ponudio je ukupnu cijenu ponude u iznosu od 19.927,05 KM bez PDV-a. U skladu sa odredbama člana 2. stav (1) tačka I) podtačka 2) Zakona o javnim nabavkama, između ostalog, propisano je da je neprihvatljiva ponuda, čija cijena prelazi planirana odnosno osigurana novčana sredstva ugovornog organa za nabavku.

### Ponuda ponuđača „INTER - COM“ d.o.o. Zenica ocijenjena je neprihvatljivom iz sljedećih razloga:

- u Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA)
  - u tabelarnom prikazu pod rednim brojem 1. RAČUNAR, u rubrici Tehnička specifikacija, alineja 8, traženo je: „- Portovi i povezivost: minimalno 5xUSB Type-A, 1xUSB Type-C, 1xRJ45 Gigabit Ethernet port i 1xAudio combo jack 3.5mm“.
- Pregledom dostavljene detaljne tehničke dokumentacije ponuđenog računara MSG 13700 i zvanične web stranice proizvođača ponuđene matične ploče *ASRock B760-HDV/M.2* utvrđeno je da ponuđeni računar nema 1xAudio combo jack 3.5mm, što nije u skladu sa Tehničkom specifikacijom.
- u Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA)
  - u tabelarnom prikazu pod rednim brojem 2. LAPTOP, u rubrici Tehnička specifikacija, alineja 1, traženo je: „- *Procesor: minimalna Base frekvencija 1.7 GHz, minimalno cache 12 MB, minimalno cores 12, minimalno threads 14*“.

Pregledom Ponude na stranici broj 40, utvrđeno je da je za ponuđeni laptop Lenovo ThinkBook 16 G8 IAL ponuđen procesor *Processor Name: Core Ultra 5 225U, Base Frequency: P-core 1.5 GHz / E-core 1.3 GHz / LPE- core 700 MHz*, što nije u skladu sa Tehničkom specifikacijom.

### Ponuda ponuđača TIME CODE d.o.o. Sarajevo ocijenjena je neprihvatljivom iz sljedećeg razloga:

- u Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA)
  - u tabelarnom prikazu pod rednim brojem 1. RAČUNAR, u rubrici Tehnička specifikacija, alineja 8, traženo je: „- *Portovi i povezivost: minimalno 5xUSB Type-A, 1xUSB Type-C, 1xRJ45 Gigabit Ethernet port i 1xAudio combo jack 3.5mm*“.

Pregledom dostavljene detaljne tehničke dokumentacije ponuđenog računara 13700K CTcorei7 i zvanične web stranice proizvođača ponuđene matične ploče *Gigabyte MB B760M DS3H* utvrđeno je da ponuđeni računar nema 1xAudio combo jack 3.5mm, što nije u skladu sa Tehničkom specifikacijom.

Ponuda ponuđača „FIXIT d.o.o. Sarajevo ocijenjena je neprihvatljivom iz sljedećeg razloga:

- u Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA)
  - u tabelarnom prikazu pod rednim brojem 1. RAČUNAR, u rubrici Tehnička specifikacija, alineja 8, traženo je: „- Portovi i povezivost: minimalno 5xUSB Type-A, 1xUSB Type-C, 1xRJ45 Gigabit Ethernet port i 1xAudio combo jack 3.5mm“.

Pregledom dostavljene detaljne tehničke dokumentacije ponuđenog računara CT i7-13700K i zvanične web stranice proizvođača ponuđene matične ploče Gigabyte MB B760M DS3H utvrđeno je da ponuđeni računar nema 1xAudio combo jack 3.5mm, što nije u skladu sa Tehničkom specifikacijom.

Ponuda ponuđača „IMTEC“ d.o.o. Sarajevo ocijenjena je neprihvatljivom iz sljedećeg razloga:

- u Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA)
  - u tabelarnom prikazu pod rednim brojem 1. RAČUNAR, u rubrici Tehnička specifikacija, alineje 2 i 8, traženo je: „- Video output: minimalno DisplayPort i HDMI“ i „- Portovi i povezivost: minimalno 5xUSB Type-A, 1xUSB Type-C, 1xRJ45 Gigabit Ethernet port i 1xAudio combo jack 3.5mm“.

Pregledom Ponude na stranici broj 23 utvrđeno je da je Ponuđač dostavio tehničku dokumentaciju za računar „Imtec računar Custom“, u kojoj nije naveden proizvođač i model matične ploče, na osnovu koje bi se moglo potvrditi da ponuđeni računar ima minimalno DisplayPort i HDMI, minimalno 5xUSB Type-A, 1xUSB Type-C, 1xRJ45 Gigabit Ethernet port i 1xAudio combo jack 3.5mm.

Ponuda ponuđača ARTCO GROUP d.o.o. Sarajevo ocijenjena je neprihvatljivom iz sljedećeg razloga:

- u Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA)
  - u tabelarnom prikazu pod rednim brojem 1. RAČUNAR, u rubrici Tehnička specifikacija, alineja 8, traženo je: „- Portovi i povezivost: minimalno 5xUSB Type-A, 1xUSB Type-C, 1xRJ45 Gigabit Ethernet port i 1xAudio combo jack 3.5mm“.

Pregledom dostavljene detaljne tehničke dokumentacije ponuđenog računara CTcorei7 i zvanične web stranice proizvođača ponuđene matične ploče Gigabyte MB B760M DS3H utvrđeno je da ponuđeni računar nema 1xAudio combo jack 3.5mm, što nije u skladu sa Tehničkom specifikacijom.

Ponuda ponuđača „SYSTEM ONE“ d.o.o. Sarajevo ocijenjena je neprihvatljivom iz sljedećeg razloga:

- U Tenderskoj dokumentaciji, Poglavlje III UVJETI ZA KVALIFIKACIJU, tačka 1.2. podtačka c., između ostalog, propisano je: „U svrhu dokazivanja ispunjavanja uvjeta iz tačke 1.1. podtačka f) u pogledu ekonomske i finansijske sposobnosti ponuđač je dužan dostaviti: Potvrdu poslovne banke o solventnosti ponuđača, odnosno da u proteklih 12 (dvanaest) mjeseci, uključujući i datum objavljivanja Obavještenja o nabavci (02.06.2025. godine), transakcijski račun ponuđača nije bio blokiran...“.

Ponuđač „SYSTEM ONE“ d.o.o. Sarajevo dostavio je Potvrdu, broj: SJ08-15-5-25-211 od 15.05.2025. godine, izdatu od UniCredit Bank d.d.. Priloženi dokaz-potvrda ne uključuje i datum objavljivanja Obavještenja o nabavci (02.06.2025. godine), kako je traženo Tenderskom dokumentacijom.

Ponuda ponuđača „KODEKS“ d.o.o. Sarajevo ocijenjena je neprihvatljivom iz sljedećeg razloga:

Procijenjena vrijednost javne nabavke iznosila je 19.900,00 KM bez PDV-a, a ponuđač „KODEKS“ d.o.o. Sarajevo ponudio je ukupnu cijenu ponude u iznosu od 19.990,00 KM bez PDV-a. U skladu sa odredbama člana 2. stav (1) tačka l) podtačka 2) Zakona o javnim nabavkama, između ostalog, propisano je da je neprihvatljiva ponuda, čija cijena prelazi planirana odnosno osigurana novčana sredstva ugovornog organa za nabavku.

Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-284/2025-R-10-13 od 02.07.2025. godine i Preporuku o izboru najpovoljnijeg ponuđača „REBUS“ d.o.o. Sarajevo, sa registriranim sjedištem u Sarajevu, ID: 4202067210006 za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove